

三

國

會

要

三國會要卷九

黃巖楊晨纂

職官

隋書經籍志有魏尙書八卷孔衍撰魏官儀一卷荀

攸撰魏晉百官名五卷

御覽兵部引魏百官名

南齊書百官志

有衛氏官儀

見衛覬本傳

魚豢中外官唐書藝文志有魏

官品令一卷

晉志通典

鍾會傳注引咸熙元年百官名

是年

裴秀議官制封爵太保鄭冲總裁建五等爵唐六典注亦引此書

今以洪表爲本而

參攷各書以訂正之

相國 建安二十一年魏王以鍾繇爲相國文帝初以

華歆爲之如漢諸侯王之有相耳黃初元年改相國爲  
司徒復置中書監令並掌機密自是中書多爲樞機之  
任後定制置大丞相品第一官品詳  
通典司馬懿辭不就甘  
露五年復置相國

蜀丞相 章武元年以諸葛亮爲之建興元年開府六  
年自貶三等以右將軍行丞相事旋復官及薨遂不復  
置

吳丞相 黃武中置寶鼎元年分置左右丞相未幾復  
舊

魏相國官屬 有相國諸曹掾屬三十御屬一 又有

軍師祭酒

或稱軍謀祭酒或稱軍祭酒或稱軍諮史避晉諱也 凡祭酒皆以功高或久次者爲之

左右前後中軍師

或單稱軍師疑史略之通典分列並第五品

司直

黃初後未見

左右長史

左右司馬

從事中郎

主簿

參軍

按魏武爲丞相時置徵事二人

邢原

有校事

後改撫軍都尉

嘉平中罷見程曉傳 吳孫權孫皓亦有校事

右刺姦掾

陳思王傳刺姦令史見高柔傳刺姦

主簿見孫禮傳

軍謀掾

田豫

軍議掾

高堂隆傳

文學掾

王觀

理曹

掾屬

武紀或曰法曹

士曹屬

韓暨

倉曹屬

高柔

毛玠爲東曹掾崔瑗爲西曹玠典選舉請謁不行及

議并省皆曰舊西曹爲上東曹次之宜省東曹魏武知其情令省西曹按通鑑注諸曹並有議令史

梁習

傳爲西曹令史遷爲屬

又魏武時有留府長史主留事行軍長史主行營

初學記引魏武令曰自今諸掾屬侍中別駕常以月

朔各進得失紙書函封主者朝常給紙函各一

侍中武帝

紀注作治中

按晉書宣紀云帝爲丞相置左右長史增掾屬舍人滿十人歲舉掾屬任御史秀才各一人增官騎百人

鼓吹十四人是丞相掾屬無三十殆司馬昭擅增之  
晉書嵇紹傳昔魏武每有軍事增置掾屬青龍二年  
尚書令陳矯以有軍務亦奏增郎

又趙王倫傳爲相國依宣文輔魏故事置左右長史  
司馬從事中郎四人參軍十人掾屬二十人

蜀丞相官屬有軍師祭酒 前後軍師 長史 司馬

從事中郎 主簿 參軍 行參軍 掾屬

東曹掾  
蔣琬倉

曹掾姜維楊顯爲東曹屬  
典選舉李邵爲西曹掾 令史 董厥由令史爲主簿  
賴玄爲西曹令史 記

室 門下督 馬忠傳丞相亮  
開府爲門下督

周廣業云長史參軍皆命自朝廷於府主無敬府主  
出征留統府事

通鑑注云除拜爲參軍事府板則行參軍蓋始於亮  
華陽國志云軍師監軍典軍政 桓温傳詔依諸葛  
亮故事甲仗百人入殿乃殊禮非常制

吳丞相官屬有軍師

孫皓等傳

長史

鍾離牧傳

掾

韋曜傳

餘無攷

按丞相軍師張悌副軍師諸葛靚見注引晉紀若張  
昭爲軍師時孫權尙爲車騎將軍丁奉全琮爲左軍  
師朱然爲右軍師皆官左右大司馬則非丞相屬官

洪表並未載

太傅太保

魏無太師初年惟置太傅以鍾繇爲之

後有

司馬懿  
司馬孚

後置太保以鄭沖爲之位在三司上

蜀太傅

先主爲漢中王以許靖爲太傅後無攷

吳太傅

孫亮建興元年以諸葛恪爲太傅

通典魏置太傅太保而不見官屬

宋書曰晉宣帝爲魏太傅誅曹爽後置左右長史掾屬舍人各十人事旣非常加又領兵非準例也

太尉 延康元年置

以太尉司徒司空爲三公皆無事希與朝政

官屬有



軍師

長史

司馬

從事中郎

正行參軍

並通典  
曹真

碑有尉參戰事  
郎中蓋軍中暫置

掾屬

東西曹  
餘無攷

舍人又有營軍刺姦

帳下都督

令史

晉志及  
宣帝紀

蜀太尉

章武三年丞相亮上言請太尉告宗廟

妃子  
傳

又唐書世系表上  
官勝仕蜀太尉

吳太尉

建衡三年置

司徒

黃初元年改相國爲司徒

官屬同太尉

通典

蜀司徒

章武二年以許靖爲司徒

吳司徒

寶鼎三年丁固爲司徒

司空 魏武建國置御史大夫黃初元年改爲司空

官屬同司徒

通典有司直杜畿

令史

梁習傳王思與習俱爲西曹令史直日白

事

蜀 華陽國志曰蜀初闕三司之位以待天下賢人

吳司空 寶鼎三年孟仁爲司空 孫休時有左右御

史大夫

通考魏司空冠綬及郊廟之服與太尉同 按晉太

尉進賢三梁冠黑介幘絳朝服金章紫綬佩山元玉

若郊廟冕服七旒元衣纁裳七章魏當同之

鍾繇傳遷太傅有郗疾拜起不便時華歆亦高年疾  
病朝見使載輿車虎賁舁上殿就坐後三公有疾遂  
爲故事

晉書何曾傳云劍履乘輿  
置長史掾屬祭酒及員吏

晉書王祥傳拜太尉武帝爲晉王祥與荀顛往謁顛  
曰相王尊貴今便當拜祥曰相國魏之宰相吾等魏  
之三公公王相去一階而已班列大同安有天子三  
司而輒拜人者入獨長揖

又何曾傳文帝爲晉王曾與高柔鄭沖俱爲三公入  
見曾獨致拜二人揖而已

魏名臣奏黃門杜恕奏曰漢故事人民病疾責之司徒

魏武制度奏曰三公列侯門施內外塾方三十畝

御覽

魏略正始中有詔議園丘普延學士是時郎官及司徒領吏二萬餘人雖復分布見在京師者尙萬人而應書與議者無幾人又朝堂公卿以下四百餘人其能操筆者未有十人多相從飽食而退

崔林傳爲司空封安陽亭侯三公封列侯自林始

景初

時

高柔傳魏初三公無事希與朝政柔曰今後朝有疑  
議及刑獄大事宜數咨訪三公三公朝朔望之日可  
特延入講論得失庶有裨益

黃初二年分三公戶封子弟各一人爲列侯

魏略桓範當轉冀州牧時冀州統屬鎮北而鎮北將  
軍呂昭仕進在後範謂其妻曰我甯作諸卿向三公  
長跪耳不能爲呂子展屈也

漢三公病遣中黃門問病魏晉則黃門郎尤重者或

侍中也

宋志

諸葛誕傳徵爲司空世語曰誕曰我作公當在王文  
舒後今便爲司空不遣使者健步齎書使以兵付樂  
綝此必綝所爲

晉書石鑿傳前代三公冊拜皆設小會所以崇宰輔

之制魏以後廢

徐廣車服儀制曰太康七年詔依舊  
華歆拜太尉稱疾臨當大會遣繆

襲喻旨須到  
然後御坐

通典後漢以太傅爲上公無師保而三公分部九卿  
太尉部太常衛尉光祿勳司徒部太僕鴻臚廷尉司  
空部宗正少府司農蓋多以九卿爲之若天地災變

則皆策免黃初二年始罷此制

華歆傳公卿嘗並賜沒入生口唯歆出而嫁之

黃初五年五月有司以公卿朝朔望日因奏疑事聽斷大政論辨得失

三公朝賜青綾文綺綸袴褶一方

御覽引魏百官名

大司馬漢制以冠大將軍驃騎車騎之上以代太尉之職故恆與太尉迭置不並立黃初二年以曹仁爲大司馬而太尉如故

晉志時太尉大司馬大將軍各自爲官位在三公上御覽引晉公卿禮秩同

蜀先主爲大司馬置前後部司馬及營司馬有掾屬延

熙二年蔣琬由大將軍進大司馬其屬官有主簿東曹掾餘無攷

吳黃武七年置大司馬赤烏九年分置左右大司馬其屬官無攷

大將軍東漢位在三司上魏青龍三年司馬懿自大將軍爲太尉則在三司下矣其後又在三司上司馬師爲

大將軍以叔父孚爲太尉奏改大將軍在太尉下

宋志云後

還復舊晉志則云晉受命猶依其制次三司下後復在上洪云曹爽表曰今臣虛闕位冠朝首太尉懿高明中正臣抱空名而處其右時爽爲大將軍在太尉上蓋非常制又云魏制大司馬或屯合肥或屯皖以備吳大



將軍每屯長安以備蜀

蜀建興十三年蔣琬爲大將軍延熙元年出屯漢中開府其屬官有司馬參軍東曹掾及主簿

李密見華陽國志

餘無

攷

景曜元年以右大將軍閻宇督永安

吳黃龍元年以陸遜爲上大將軍諸葛瑾爲大將軍後遂並設其屬官無考

魏大司馬官屬有正行參軍

通典

司馬師爲大將軍置掾

十人西曹東曹戶曹倉曹賊曹金曹水曹兵曹騎兵各

一人

洪表據通典大將軍屬官有鎧曹以足十曹之數按曹植表有鎧曹

及昭爲相國

相府置中衛將軍驍騎將軍左右長史司馬從事中郎  
四人主簿四人舍人十九人參軍二十二二人參戰十一  
人掾屬三十三人東曹掾屬各一人西曹屬一人戶曹  
掾一人屬二人賊曹掾一人屬二人金曹掾屬各一人  
兵曹掾屬各一人騎兵掾二人屬一人車曹掾屬各一  
人鎧曹掾屬各一人水曹掾屬各一人集曹掾屬各一  
人法曹掾屬各一人奏曹掾屬各一人倉曹屬二人戎  
曹屬一人馬曹屬一人媒曹屬一人散屬九人

凡四十二人宋

志

開府儀同三司

第一品

漢鄧騭爲車騎將軍儀同三司魏

黃權以車騎將軍開府儀同三司開府之名起於此也

洪云魏加是官皆以本官開府蜀吳無

按漢魏之制大司馬將軍

騎吏服朱司徒騎吏服皂故將軍開府依大司馬光祿大夫開府依司徒

驃騎車騎衛將軍撫軍領軍鎮軍四征四鎮四安四平

晉志不數領軍四安四平而有上軍輔國等大將軍左右光祿光祿三大夫

開府者皆爲位從公

特進漢置魏以爲加官從本官車服無吏卒

第二品位次三公

宋志云諸官加特進者從本官供給  
但爲班位而已不別有吏卒車服

蜀志向朗以左將軍封亭侯位特進 華陽國志鐔

承以太常加特進 洪云吳無

左右光祿大夫

第三品 晉制加金章紫綬者品秩第  
二與特進同銀章青綬者第三在金紫

將軍下漢置無定員多以爲拜假贈贈之使及監護喪

諸卿上事魏氏轉復優重不以爲使命之官其諸公告老皆家  
拜此位及在朝顯職復用加之

洪云漢屬光祿勳魏時位次三公不當復屬是也劉

放孫資皆金印紫綬

按放傳先加侍中光祿大夫後  
加左光祿大夫金印紫綬儀同

三司遜位以列侯位特進

裴秀咸熙中拜尚書令右光祿大夫開

府見晉書

魏制三公及位從公門施行馬

通鑑注御覽引漢官儀秩比二千石不言

屬光祿勳門外特施行馬

蜀志譙周遷光祿大夫位亞九卿不與政事時訪大

義

通考魏晉以左右光祿光祿三大夫皆銀章青綬其

重者加金章紫綬謂之金紫光祿大夫

建安十八年魏國初置六卿文帝卽位置九卿 吳初

亦六卿孫休永安二年始備九卿

太常卿一人

第三品 續漢志中二千石掌禮儀祭祀

魏國初置奉常黃初

元年改太常銀章青綬進賢兩梁冠絳朝服佩水蒼玉

道典丞一人

第七品比千石 其署曹掾史隨事爲員諸卿皆然

主簿一人

第八品

蜀先主爲漢中王置太常

吳孫權初置奉常黃武四年改爲太常

顧雍傳

博士

第六品 通典員四人

魏文帝初置掌引導乘輿王公以

下應追諡者則議定之

通典云端委佩玉朝之大典必於詢度

五經博士魏十九人

第五品 晉武帝改國子博士 洪云魏以五經博士爲太學

博士別置太常博士按晉志通典可見表仍列太常  
從宋志也按宋志有博士祭酒通典第五品洪又  
云蜀吳惟曰博士按後漢本有十四博士黃初五年  
始置穀梁其王朗易王肅尚書詩論語三禮左氏解  
並列學官又洪表所列諸人本書多但稱博士未  
能定爲太學惟甘露元年紀稱易博士涪于俊則是  
太學仍分經其馬  
照當是書博士也

協律都尉

第六品

武帝

置以杜夔爲之

太樂令

第七品

六典注黃初中以杜夔爲之有丞

第九品

按夔定雅樂時有哥師尹胡舞師馮肅服養蓋樂工  
之長又有司律中郎將陳頥見杜夔傳洪列武秩中

蜀

周廣業云後帝增廣聲樂譙周疏  
省減樂官當時所置不止令丞矣

太史令

第六品

丞

第八品

中郎

周宣

待詔

魏略

太史

靈臺

品

品

品

傳

待詔

待詔

駱祿

靈臺

丞第八品六典魏靈臺二丞主候望頒麻望候郎  
二十人侯部吏十五人又云算數小學職在太  
史義和掌之魏晉以來  
多在史官不列國學

蜀景曜元年史官言景星見是蜀有太史之官

吳韋曜爲太史令有丞公孫滕見郎陳苗見陸凱傳  
趙達見本傳

太廟令第七品按屬官有齋郎第八品行夜督郎第九品蜀

置高廟令見華陽國志其昭烈廟亦應有之吳有太廟及清廟官屬

無攷

陵令第七品丞第九品蜀無攷吳有明陵令丞奉守

園邑令丞漢獻帝紀葬于禪陵置園邑令丞



太祝令

第七品

丞

第九品

掌郊社明堂祠祀

通典

光祿勳卿一人

第三品 衛門戶宮殿典謁三署郎

中二千石掌宿衛

魏國初置郎

中令黃初元年改名無三署郎不復居禁中

漢三署各置中郎將

郡舉孝廉以補三署郎年五十以上屬五官其次分在左右署外官朝會則以名到焉

二臺奏劾則符光祿加禁止解禁止亦如之丞一人銅

印黃綬

第七品

蜀有光祿勳吳初亦曰郎中令後改爲光祿勳

見劉繇傳屬

官無攷

五官中郎將

建安中魏文帝爲之置官屬以副丞相位在魏國諸臣上官屬有長史文學司

馬賊曹功曹踐阼後不置

蜀有五

官中郎將吳同谷朗碑拜五官郎中

左右中郎將

漢五官左右中郎將領三署郎魏無三署郎猶置左右中郎將不領營也通典

領中郎侍郎郎中

蜀同吳有三署郎見張溫傳則亦有之也

洪云初學記通典皆云魏無三署郎而本書有中郎

郎中未知何署官品復載之則不應無三署郎或自

晉以來始無之耳又云左或作東同右或作西同又

云南北中郎將下疑無所屬中郎等無攷按續漢志

注云漢末又有四中郎將皆帥師征伐當非宿衛之

官疑左右中郎將外別置此四官不屬光祿攷魏志

及注既有左右又有東西南北蜀亦有南中郎將惟  
官品不載左右而晉志有之官品多不可據如期門  
郎豈魏有乎攷曹爽傳注桓範爲東中郎將都督青  
徐諸軍事是外職牽招傳拜右中郎將出爲雁門太  
守日出爲守則右中郎將爲內官可知鮑勛傳出爲  
右中郎將蓋由侍中遷故亦言出至諸葛亮傳注徐  
福仕魏右中郎將御史中丞亦內官也

華陽國志常勛爲光祿郎中主事又有何隨王化此  
蜀制也

虎賁中郎將漢平帝更名期門爲虎賁置中郎將領之通典第五品又有期門郎第品按

漢制領虎賁中郎侍郎郎中蜀亦有之吳無攷

羽林中郎將魏官品無按毛后傳弟曾爲羽林虎賁中郎將是有此官倉慈傳注引魏略有

羽林郎令狐劭又按漢宣帝令中郎將騎都尉監羽林是爲羽林中郎將東漢又置羽林左右監分主左

右騎魏六百石第五品見唐六典蜀有羽林右部督見李恢傳則必有左部又有虎步監孟珍見水經注

虎騎監糜照見糜竺傳吳有羽林督見孫皎傳又有繞帳督又陸遜爲帳下右部督皆典衛兵

守宮令有黃門令丞從丞各一人唐六典云魏有此官而非宦者按文帝著令限中人

不得過諸署令則似亦用宦者蜀黃皓爲黃門令蓋依漢制用宦者矣吳無攷

掖庭令洪表有左右丞隋書經籍志有掖庭右丞周氏唐六典云魏非宦者清商令魏置

令狐景爲令龐熙爲丞見嘉平六年注

暴室令

漢掖庭令下有暴室丞魏始置令

華林

園令

諸令洪皆據晉志及冊府元龜

按光祿卿續漢志五官左右虎賁羽林中郎將羽林左右監奉車駙馬騎都尉光祿太中中散諫議等大

夫議郎謁者僕射

常侍謁者給事謁者灌謁者

皆屬焉

自奉車至謁者以文

屬自五官將至羽林監以職屬

晉志統武賁五官左右中郎將羽林

郎將允從僕射羽林左監東園匠太官御府守宮黃門掖庭清商暴室等令

衛尉卿一人

第三品掌微循事

魏武建國時置蜀吳同丞一人

第七品

公車司馬令

通典掌天下上章四方貢獻及徵召公車者第六品或但曰公車令省文接管

甯傳云被公車司馬令所下州郡詔書則敘官言晉江左以來直曰公車令是也有丞

宮掖門

每門司馬一人

第七品魏有承明門司馬門東止車門西止車門東掖門西掖門見紀及

注洪表又列闔闔門神虎門雲龍門其闔闔門下列滿長武按世語云長武以大將軍掾守闔闔門掖門下亦云滿掾蓋是屯守非守司馬官也又按此事見晉書荀勗傳作掾孫佑等無守司馬之說

士令

洪云官品不見漢晉志皆有魏不應無特無南北宮耳

左右都候各一人

第七品  
有丞

晉志衛尉屬官有治令

按宋志云江南諸郡縣有

鐵者或置冶令或置丞皆吳所置未知隸衛尉否也

太僕卿一人

第三品掌車馬

魏建國時置蜀同

蔣顯見後主傳注

吳同

洪云吳初有六卿永安二年備九卿官則置太僕大鴻臚大司農也

丞一人

第七品

車府令

主乘輿諸車有丞按通典諸令皆第七品丞皆第九品

考工令

主作兵器及織

緩雜工有左右丞

乘黃廐令

漢有未央廐令長樂廐丞魏國置乘黃令後因之主乘輿廐馬

有丞按魏都賦注云

驂騮廐令

六典通典並云魏置有丞典牧令

通典漢邊郡置六牧師令魏因之有丞

牧官都尉

通典漢以郎爲苑監魏置牧官都尉第六

品晉志有左右中典牧都尉按六典注云魏置牧官都尉晉因之

典虞都尉

第六品晉志有

丞按曹真碑有典虞令

廷尉卿一人

第三品主刑法獄訟

魏建國置大理以鍾繇爲之黃

初元年改廷尉蜀有大理

華陽國志置之于理

吳初置大理後改

廷尉

廷尉正

秩千石

廷尉監

秩千石

廷尉平

秩六百石通典魏謂正監平爲廷尉

三官第六品吳有廷尉監蜀無攷

通鑑注漢廷尉平魏晉平旁加言

律博士

一人衛覬傳明帝卽

位覬請置律博士

士事遂旃行

主簿

第八品

諸獄丞

大鴻臚卿一人

第三品掌諸侯及四方蠻夷朝貢郡國上計行禮贊導拜授諸侯帛諡護喪按

陳思王傳景初中詔黃初時諸奏植罪狀在大鴻臚者皆削除之又吳主傳注云請免權官鴻臚削爵土魏

建國時置蜀吳同丞一人

第七品



客館令

六典大行令魏改爲客館令第七品

宗正卿一人

第三品掌敘親屬及宗室犯法

漢以皇族爲之魏國始置

宗正或以他族

洪表有曹恪曹楷又有鄭袤正元中以光祿勳領宗正見晉書蓋暫領是官耳

吳亦以宗室

孫楷孫奕

蜀無文

洪云蜀承漢制不容闕

丞一人

公主家令

第八品

家僕

家丞

行夜督郎

並第九品

大司農卿一人

第三品掌錢穀金帛郡國計簿邊郡調度

魏國初置大農黃

初元年改大司農蜀吳同丞一人銅印黃綬進賢一梁

冠介幘阜衣部丞一人主帑藏

通典魏因漢置並第七品

太倉令

主受漕穀有丞

導官令

主春御米及作糒有丞

典農中郎將

第六品按典農與郡國分部吏民

典農校尉

第六品

典農

都尉

第七品

魏武置

通典

主郡縣屯田通鑑云建安元年

郡國列置田官是也

續漢志注引魏志云曹公置典農中郎將秩二千石典農都尉

秩六百石或四百石典農校尉秩比二千石所主如中郎將部分別而少爲校尉丞其秩蓋以郡縣大小

而咸熙元年罷屯田官諸典農皆爲太守都尉皆爲

令長

按棗祗稱屯田都尉倉慈爲綏集都尉蓋別名

其屬有司馬功曹綱紀

上計吏稻田守叢草吏

見鄧艾傳晉書段灼稱艾爲屯田掌犢人俞理初類稿據

鄧艾傳典農下有學士幹佐又母邱儉傳注儉爲征南將軍表云移三征及州郡國典農各安慰所部吏民是四征將軍及郡國守相及典農各有所部吏民也裴潛傳爲潁川典農中郎將奏通貢舉比之郡國

猶明之  
衛學也

司馬孚爲野王典農中郎將請立沁水石門表言願  
勅大司農府結人工勿使稽延是計工由大司農所  
定

蜀呂艾爲漢中太守兼領督農供繼軍糧又蔣琬傳  
有督農楊敏

吳於諸郡有屯田者亦置典農校尉統諸縣如太守  
洪表引咸滻毗陵  
志宋書州郡志又陸遜爲海昌屯田都尉并領縣

事華覈爲典農都尉別有節度掌軍糧蓋不隸司農

也 諸葛恪傳按顧譚傳爲左節度當更有右注引江表傳權爲吳王初置節度

度支中郎將 二千石 度支校尉 比二千石 度支都尉 品同上

六百石 魏黃初中置掌諸軍屯田 北堂書鈔御覽引魏略

少府卿一人 第三品掌服御珍膳之屬 魏國初置後因之蜀同吳同

丞一人 第七品

材官校尉 魏黃初中置主天下材木第六品有司馬 太醫令 掌諸醫六典有藥丞吳有

太醫令見御覽 太官令 掌御飲食 上林苑令 主苑中禽獸有

丞 御府令 宋志典官婢作褻衣服補浣之事武帝紀注魏國已有之有丞吳有蔣欽傳御府爲

其母作 錦被 鈎盾令 典池苑囿有丞六典有永安丞苑丞鴻池丞通典有靈芝園監總章戲馬

監在第九品洪分三監疑戲馬為臺觀中藏府令掌

名按晉志大鴻臚屬官有鄴元武苑丞中貨物有丞吳有中左右尚方令掌工作器物有丞吳

見孫亮傳注傳徙少府大將軍曹爽使材官斫家屋材及諸私用

之物觀聞知皆錄奪以沒官少府統三尚方御府內藏玩弄之寶爽等平準令通典掌知物價及染有丞

奢放多有干求品丞並第九品吳有見六典諸令並第七

執金吾卿一人第三品掌宮外戒魏建國置中尉黃初

元年改執金吾蜀吳同丞一人第七品六典崔豹古今

執金吾司隸校尉導引傳呼使行者止坐者起四人持

角弓違者射之乘高窺闕者亦射之魏晉設角弩而不

用

武庫令

主兵器有丞吳有見孫休孫繼傳

將作大匠一人

第三品掌土木之工

丞一人

第七品

吳同

薛瑊見蜀孫和傳

無攷

右校令

後漢有左右校令掌左右工徒宋志魏右校又置材官江左又罷左校洪表據宋志六典但列右校然隋書經籍志有魏左校令李登晉志有左校令無右校通典云魏并左右校於材官諸說互

異

京城有變九卿各居其府

見王修傳

魏略少府寺與鴻臚對門

侍中

秩比二千石第三品

魏置四員功高者一人爲祭酒

宋志云久次者

別加官者則非數掌儼贊威儀大駕出則次直侍中護

駕正直侍中負璽陪乘不帶劍餘皆騎從御殿與散騎

常侍對扶

扶或作挾

侍中居左常侍居右備問對

武冠金璫附蟬左貂

絳朝服佩水蒼玉按吳孫恩爲御史大夫加侍中濮陽

典爲丞相加侍郎是以近侍爲榮貴也樓元傳言舊禁

中主者自令親近人作之

舊遷列曹

尚書美遷中領護吏部尚書

通典

蜀吳皆有員數無攷

環濟要略云侍中入侍帷幄受顧問拾遺左右

散騎常侍比二千石第三品御覽引環濟要略云入侍左右出則待事於廊廡之下又引桓氏家傳

云延康元年初置散騎之官皆選親舊文武之才以爲賓宴之臣

東漢省散騎而中常

侍用宦者黃初初置散騎合於中常侍謂之散騎常侍

凡四員久次者爲祭酒後以爲加官掌規諫不典事貂

璫插右散而騎從

魏略北堂書鈔

又有員外散騎常侍魏末置

無員

書鈔引晉諸公贊云于時公族務在閑任故置外位

吳曰散騎中常侍

蜀亦有之

又有中常侍

通典第三品洪云居是官者無攷按蜀用宦者中常侍黃

皓吳用士人中常侍王蕃

給事黃門侍郎

第五品

漢與侍中俱管門下眾事無員魏

四人秩六百石

晉志云及晉置員四人華陽國志常忌蜀謁者黃門侍郎吳孫承爲黃門侍郎

歸命世常使記事承答顧問見孫桓傳注引文士傳又初學記引王隱晉書顧榮舉賢良仕吳爲黃門侍郎

爲侍衛之官

通典

出入禁中近侍帷幄省尙書事

六典晉書王



沈傳魏時爲門下侍郎卽此官蜀同吳有黃門侍郎

孫繼傳注

散騎侍郎四人

第五品

魏初與散騎常侍同置

吳同

孫峻

傳

魏散騎常侍侍郎與侍中黃門侍郎共平尚書奏事

江左乃罷

晉志宋志

華嶠譖序曰歆子表爲散騎侍郎時同僚諸郎共平尚書事年少並厲鋒氣要名譽尚書事至或有不便故遺漏不視及傳書者去卽入深文論駁惟表不然事來有不便輒與尚書共論盡其意主者固執不得

從官

第八品 焦伯見  
甘露四年紀注

黃門都監

官品無 張當  
見曹爽傳注

黃

門監

官品無 蘇鑠  
見夏侯傳

洪云按諸葛亮出師表及董允傳當時宦官黃門屬侍中之證魏晉侍中之職轉復優重二國疑皆與蜀同

延康元年置散騎常侍侍郎各四人宦人爲官者不得過諸署令爲金策著令藏之石室

蜀有黃門丞餘無攷

諸葛亮傳宮中府中俱爲一體陟罰臧否不宜異同

三國會要 卷之七  
三  
若有作奸犯科及爲忠善者宜付有司論其刑賞不  
宜偏私使內外異法也侍中侍郎郭攸之費禕董允  
等皆良實志慮忠純愚以爲宮中之事事無大小悉  
以咨之

董允傳後主漸長大愛宦人黃皓皓便辟佞慧欲自  
容入允常上則正色匡主

後主欲采擇  
充後宮不聽

下則數責於

皓皓畏允不敢爲非終允之世位不過黃門丞陳祗  
代允爲侍中與皓互相表裏皓始預政從黃門令爲  
中常侍奉車都尉操弄威柄終至覆國

吳有黃門

見太平二年傳注洪云孫和傳和爲南陽王妃使黃門陳遷之建業上疏中宮則吳

諸王亦有黃門也按洪表小黃門下注云吳日中使但諸黃門奉使均稱中使非官名

陸凱傳高通詹廉羊度黃門小人而賞以重爵權以戰兵又曰在所監司已爲煩猥兼有中使擾亂其中賀邵傳中官內豎分布州郡橫興事役競造姦利陸抗傳時有何定弄權閹官預政又曰黃門豎官開立

占募

謁者僕射

第五品宋志云魏氏謁者官屬史闕不知

掌大拜授及百官班次

爲謁者臺率

晉志

或監鹽官

衛凱傳

謁者十人

第八品

掌小拜

三國會要

卷九

職官

齒

授百官報章

通典

或監治

蜀有謁者呂雅

景燿中見呂又傳

霍

七

冗從僕射

第五品

漢有中黃門冗從僕射非其職也魏因

其名置是官

宋志

掌散從師射事

北堂書鈔洪表列光祿下蓋依晉志

御史中丞

第四品

本居殿中察舉非法

兼掌祕書

及御史大夫

轉爲司空

漢哀帝時

而中丞出外爲御史臺率魏文帝初改

中丞爲宮正

鮑勳傳

後復爲中丞

通典

蜀吳並有中丞

按司馬懿

黃初元年由尙書遷督軍御史中丞二年罷蓋暫置見晉書又傳咸傳按令御史中丞督司百僚皇太子以下其在行馬內有違法憲者皆彈糾之雖在行馬外而監司不糾亦得奏之自有中丞司隸以來更互奏內外眾

官今按晉初制令

如此魏亦宜然

治書侍御史

第六品治或作持宣帝齋居決事令侍御史二人治書後因別置通典云國諱改持

掌律令又分掌侍御史所掌諸曹若尚書二丞

按社襲傳為督

軍糧御史文帝時更為督軍糧執法此官亦暫置上

尊號碑有督軍御史吳有監農御史見樓元傳督軍

御史見朱治傳典文書通鑑注曰督軍使者漢官也

魏黃初二年罷督軍官而吳猶仍漢制孫權置節度

官典掌軍糧見武侯集通鑑黃初七年吳攻江夏先

是遣治書侍御史荀禹慰勞邊方禹發所經縣兵及所

從步騎千人乘高山舉火吳王遁走

治書執法

第六品

魏置掌奏劾

晉志

吳有中執法

是儀

左右執

法各一人

崔豹古今注奏劾者以青布囊盛印於前非奏劾日以青囊盛印於後自晉奏劾之官以

印居前非奏劾之官以印居後

侍御史

第七品

魏置八人有治書曹掌度支運課第曹掌

考課餘不知也

宋志

吳亦有之

殿中侍御史

第七品

魏蘭臺遣二御史居殿中察非法大

會簪白筆側階而坐以奏不法

禁防御史

第七品晉志載魏晉官品令冊府元龜云亦蘭臺之職

三臺五都侍御史

第七品洪曰魏延傳注引魏略曰夏侯楙鎮長安亮於南鄭與羣下計議

延曰楙怯而無謀今假延精兵直從褒中出不過十日可到長安楙聞延奄至必乘船逃走長安中惟有御史及京兆太守耳此五都有御史分駐之證魏以長安譙許都荆洛陽爲五都三臺并指尚書符節諸臺按通典

第七品有符節御史蓋監符節臺者晉志宋志云晉武帝置謝靈運晉書漢尚書爲中臺御史爲憲臺謁者爲外臺曰三臺魏或承漢舊也

都水使者

第四品洪曰晉宋志云晉武帝置而水經注

協勒石則非晉武始置冊府元龜亦云魏有都水使者一人

水衡都尉

第六品

有前後左右中五人

冊府按唐六典魏有水衡都尉晉

又有左右前後中五水衡

主天下水軍舟船器械

宋志通典

河隄謁者

第七品按六典後漢河隄謁者五人魏因之晉書傅元傳魏初未留意於水事先帝總百

揆分河隄爲四部并本凡五謁者以水功至大與農事並興非一人所周故也

都水參軍二人

第七品通考云蓋亦丞之職任



符節令

第五品

掌授節銅虎符竹使符魏建國置別爲一

臺位次御史中丞

符璽郎

第七品

主璽及符

漢志按御覽魏諸官印以遺官爲名印斷二千石者章

將出征則授斧鉞於西堂

晉書禮志云故事

蜀吳亦有之

殿中將軍一人典兵

通典第六品

督守殿內朝會戎服侍

左右夜開城門執白虎幡監之

中郎將

校尉

並第七品

都尉

司馬

羽林郎

並第八品

殿中監

第七品

掌張設監護之事

衛臻傳殿中監擅收蘭臺令史臻奏案之

詔曰殿舍不成吾所留心卿推之何臻曰古制侵官之法非惡其勤事也誠以所益者小所墮者大也臣

權羣司將遂越蜀有殿中督一名中吳孫皓時有宮

下鎮禁中候主殿中事見樓元傳言元從九卿持刀

侍衛

杜恕傳陛下患臺閣禁令之不密人事請屬之不絕

聽伊尹作迎客出入之制選司徒更惡吏以守寺門

威禁由之未得爲禁之本也俞正燮曰伊尹當是人名

城門校尉第四品此官洪表在五校後屬有司馬第七品每門候一人

候副一人第七品吳亦有城門校尉蜀無攷

錄尚書事漢制每少帝立則置太傅錄尚書事猶古冢

宰總己之義薨輒罷之魏以公卿權重者爲之職無不

總凡重號將軍刺史皆得命曹授用惟不得施除及加

節

宋志

蜀同或曰平尙書事

馬忠諸葛瞻董厥

吳同或曰領尙書

事隋或曰平尙書事

顧雍顧譚

或曰分平尙書事

劉基

或曰省

尙書事

是儀

尙書令

第三品

魏建國置冠進賢兩梁納言幘五時朝服

佩水蒼玉銅印墨綬受拜則策命之以在端右故也掌

知選舉總典綱紀所居曰尙書臺出征則以行臺從漢

猶隸少府魏時政歸臺閣則不復隸矣

通典初學記

蜀吳有

之

尚書僕射

第三品按六典秩皆六百石

服秩印綬與令同漢置一人

獻帝建安四年始分置左右魏迄江左省置無恆置二

則爲左右僕射或不兩置但曰尚書僕射令闕則左爲

省主若左右並闕則置尚書僕射以主左事

晉志

或時領

選曹事

毛玠傳

蜀吳但曰尚書僕射無左右

齊職儀曰魏氏重內職八座尚書任同六卿

御覽

魏以

許昌爲留都有留臺尚書等官吳主東巡建業亦

留尚書九官於武昌

通鑑注魏略時臺制疾滿百日當解祿

職官

三

尚書

第三品 晉書魯芝傳高貴鄉公卽位拜荊州刺史遷大尚書掌刑理玉海後漢尚書稱臺魏晉

以來

魏有吏部主左民前漢主吏民上書客曹主外國

爲省

領中兵外兵騎兵別度支主計算御覽職官部引

五兵

兵都兵故曰五兵度支朱鳳晉書云文帝立度

支尚書以司馬字爲之凡五曹與二僕射一令爲八座及置中書

監令遂掌機衡之任而尚書之權漸減矣初學記引齊

曹職右於諸曹尚書授此職者或云吏部尚書若授諸

傳車駕嘗卒至尚書門矯跪問曰陛下欲何之帝曰欲

案行文書耳矯曰此自臣職分非陛下所宜臨也若臣

不稱其職請就黜退陛下宜還帝慚回車而返尚書

陳羣奏婦人無分土命爵之制帝曰議是仍著定制藏

之臺

蜀尚書分曹無攷

洪曰蜀承漢制疑亦置選部民曹三公曹二千石曹客曹故有選部郎也

吳尚書有選曹

顧譚薛綜張溫傳

戶曹

孫休傳

左曹

濮陽興傳

賊曹

薛綜

傳

凡四曹

洪曰國山碑云尚書昏直晃昌是吳尚書員四人也

尚書左右丞

第六品

得彈奏八座

初學記

按唐六典云魏晉以來左丞主臺內

禁令宗廟祠祀朝儀禮制選用置吏札諸不法無所回避右丞掌庫藏廬舍凡諸器用之物刑獄兵器又云左

右丞銅印黃綬絳朝服進賢一梁冠晉楊濟曰左丞總司天臺維正八座

尚書郎

第六品

魏有殿中吏部駕部金部虞曹比部南主

客祠部度支庫部農部水部儀曹三公倉部民曹二千

石中兵外兵都兵別兵考工定科

晉志作定課晉書曰賈充改律令以裴

楷爲定凡二十三郎青龍二年有軍事尙書令奏置都

官主軍事刑獄 騎兵合二十五曹宋志每一郎缺白試諸孝廉

能結文案者初學記引魏官儀作試五人謹封奏其姓

名以補之晉志御覽引魏武選舉令云取年未五十者

義以草呈使文筆真草有材能謹慎典曹治事起草立

來臺郎統之令史不能知書之不好令史坐之魏氏春

秋許允爲吏部郎選郡守明帝疑其所用非次怒詰之

對曰某郡太守雖限滿文書先至年限在後日限在前

帝取前事視之乃釋册府袁侃愿選部郎中號爲清平

餘無攷

蜀郎中有吏部羅憲選曹陳祗左選鄧良右選楊戲度支柳仲諸曹

吳郎中有選曹戶曹

見虞翻傳餘無攷

諸曹典事

第七品

主書令史

第八品又有主書令史

御覽引齊職

儀曰自魏晉宋齊正令史書令史皆有品秩朱衣執版進賢一梁冠

通典云魏以來凡吏部官屬悉高於諸曹其選舉尙

書主之

按六典云魏晉用人妙于時選其有諸曹郎功高者選爲吏部郎

又云尙書

屬或有郎中或有侍郎或曰尙書郎或曰某曹郎或

兩置或互名稱號不同其職一也

通典漢凡諸郎皆執戟宿衛殿門以

侍御之故通謂之侍郎所言郎官上應列宿蓋謂三署郎非尙書郎按自漢以來曹郎並有杖罰魏略言



三國會要

卷九

職官

三

韓宣爲尙書郎嘗受罰已縛束竟杖未行文帝原之  
晉太康起居注言王冲雖在清途未免楚撻三國典  
略言齊皇甫亮三日不上  
杖脛三十是六朝猶然

中書監中書令

第三品 按六  
典秩並干石

魏武始置祕書令丞典

尙書奏事文帝改祕書令爲中書令又置監並掌機密

謂之中書省

通

典若密詔下州郡及邊將不由尙書

六典  
環濟

要略初學記云自魏詔誥  
皆中書令中書侍郎掌之

又置通事郎掌詔草次黃門

郎黃門郎已署事過通事乃署名已署奉以入爲帝省

讀書可後改爲中書侍郎

通典第五品亦稱中書郎北  
堂書鈔引張華別傳西征鍾

會兼中書侍郎掌書疏表檄  
又引晉諸公贊作中書郎

蜀有中書郎

向亮傳注湯云

準漢置中書令可知吳有中書令僕射幸曜傳爲中書僕射職省

傳呂壹爲中書典校官府及州郡文書諸傳並稱典校

蓋官中書郎而任校事耳諸葛恪傳歸府召中書令

孫暹厲聲曰卿等何敢妄數作詔吳歷曰亮數出中

書視孫權舊事問左右侍臣先帝數有特制今大將軍

問事但令我書可邪時繇專政吳錄曰紀陟父亮

爲尙書令而涉爲中書令每朝會詔以屏風隔其座丞

侍郎及宣詔郎孫登傳注引吳書御覽引要

中書通事舍人第七品通典云魏置或曰舍人通事

皆云晉置洪表據初學記作中書通事一人掌呈奏

魏明時有通事劉秦高貴鄉公改作通事都尉尋又

改通事侍郎晉書衛瓘傳魏法嚴苛自請爲通事郎

轉中書郎又荀勗傳守中書監門下啟通事令史爲

舍人對掌文法又據南史佞倖傳序江左以後舍人

亦稱通事劉放傳年老遜位以列侯朝朔望位特

進注引孫資別傳詔君養疾於第置舍人官騎加以

日秩肴酒之膳初學記引要略云舍人掌宮中之

政出廩分財著作郎一人第六品玉海曰魏佐郎第

或吳制如此著作郎晉起居注著作掌之

品唐六典注引咸熙百掌修國史明帝太和中始置

官名有著作佐郎三人

隸中書省或爲兼官

衛凱以尙書王沈應

吳置左右

國史

韋曜以侍中領左國史華覈以東觀領右國史

瑩等參同蓋以他官兼之國山碑有國史瑩覈

薛綜傳右國史華覈上疏曰大皇帝末年命太史令

丁孚郎中項峻始撰吳書少帝時更差韋曜周昭薛

瑩梁廣及臣五人訪求往事所共撰立史

通則云後曜獨終其書定爲五十五卷

左右丞

周處爲左丞見晉書掾國山碑云中書東觀

令史立信中郎將蘇建書知吳東觀屬中書

今按碑言闕立東觀口紀實言建設墳典似此官孫

皓時始立又天發神讖碑稱蘭臺東觀令孫皓傳言

東觀漢記則掌  
主書令史魏第八品又有

祕書監第三品武帝初置祕書典尚書奏事兼掌圖書祕

記文帝改爲監掌藝文圖籍初屬少府及王肅爲監乃

不復屬六典通典蘭臺亦藏書籍御史有左右丞第六

品文帝欲以何楨爲祕書丞而祕書本有丞乃以爲右

丞遂有二丞虞預晉書祕書郎第六品六典丞郎秩四百石

掌中外三閣經書亦武帝置唐六典注引魏甲辰儀校

書郎第八品又有主書

蜀有祕書令六百石或以他官領之季漢輔臣贊注步兵校尉習隆掌校

秘書

有郎及令史

卻正以吏轉爲令史遷郎至今

吳有祕府郎

崇文觀魏青龍四年置以王肅爲祭酒

由秘書監兼

徵善屬

文者以充之

員無攷洪表在殿中監後今以類附此

魏略薛夏爲祕書丞太和中嘗以公事移蘭臺蘭臺自以臺也而祕書署耳謂夏爲不得移夏報曰蘭臺爲外臺祕書爲內閣臺閣一也何不相移之有蘭臺屈無以折自是遂以爲常

魚豢典略曰芸臺香辟紙魚蠹故藏書臺稱芸臺

王肅表曰祕書丞郎俱四百石遷宜比尙書郎出亦

宜爲郡又曰祕書丞郎與博士議郎同職近日月宜  
在三臺上又曰祕書丞郎宜比尙書郎侍御史今尙  
書郎侍御史乘犢車奏事用尺一祕書丞郎乘鹿車  
猶用尺奏不得朝服恐非陛下轉侍郎爲祕書丞郎  
之本意也

御覽據此則奏  
章制度不同

任嘏別傳曰文帝時爲黃門侍郎每納忠言手書懷  
本自在禁省歸書不封帝嘉其淑慎著書三十八篇  
凡四萬餘言嘏卒後故吏錄其事行及所著書奏之  
詔下祕書以貫羣言

魏武帝使中軍司荀攸典刑獄明帝猶以付內常侍  
明帝時唯有通事劉泰等官不過與殿中同號耳

晉書

荀勗傳

荀氏家傳曰荀顛爲司空文帝議復五等表魏朝使  
定禮儀書成藏於祕府

鄭默起家祕書郎考覈舊文刪省浮穢著魏中經中  
書令虞松謂曰而今而後朱紫別矣轉尙書考功郎

白帖引王  
隱晉書

韋曜傳爲博士祭酒命依劉向故事校定眾書又作

洞紀官職訓及辨釋名各一表列狀乞上言祕府於  
外料取呈內以聞

晉書傅元傳與東海繆施俱以時譽選入著作撰集  
魏書

又按陳壽傳仕蜀爲觀閣令史是蜀亦置東觀及祕  
閣

華陽國志有東觀祕書郎王崇蜀時東觀郎

魏史 史通外篇曰黃初太和中始命衛覬繆襲草  
創紀傳又命韋誕應璩王沈阮籍孫該傅元等復其



撰定其後王沈獨就其業勒成四十卷

太后三卿衛尉少府太僕漢隨太后宮爲號在正卿上

魏改在九卿下文帝尊母卞后爲皇太后稱永壽宮

永安衛尉

少府毛宗見文帝紀注

明帝尊母郭后爲皇太后稱永安宮

永安衛尉

蘇林見顏師古漢書敘例

齊王芳尊母郭后爲皇太后

稱永甯宮

永安衛尉孟觀見管甯傳又嘉平六年紀注有永甯衛尉臣禎永甯太僕臣閔世說注有

永甯少府周斐夏侯傳有永甯太僕李豐永甯署令樂敦

晉書楊后傳有司奏依漢故事皇后太子各食湯沐

邑四十縣帝以非古典不許據此知魏時無食邑也

蜀後主尊母穆皇后爲太后稱長樂宮

孟光傳爲長樂少府

吳孫皓尊母爲皇太后稱升平宮

嚴陵傳注子凱升平少府

大長秋一人

第三品掌中宮

丞一人

第七品

蜀同

吳同

滕夫人傳長秋

官僚備員而已韋昭辨釋名云皇后陰官秋者陰之始取其名長者欲其久也

太子太傅少傅

第三品

太子於二傅執弟子禮皆爲書不

曰令少傅稱臣太傅不稱臣

通典云漢魏故事北堂書鈔引漢魏故事太傅於

太子不稱臣朔望不朝

二傅與尚書東曹並選太子諸侯官屬

見何夔明帝後久曠東宮官司不具

通典文帝爲太子時官明帝

時僅見舍人一人又高貴鄉公爲太子舍人成濟所弒宋志魏世無東宮

詹事

通典魏置領東宮眾務第七品有丞御覽引應劭漢官儀曰詹省也給也秩比二千石

二千石不當在第七品

家令

職如司農少府通典齊職儀六典皆品第三

下宋則

率更令

主庶子舍人更直職如光祿按六典有丞二人御覽引晉起居注曰太康

八年詔太子率更僕進品第五秩與中庶子左僕

右衛率同職據此則晉武始進五品也六典同僕

中庶子

五人職如侍中庶子無貞職如

衛率

六典主門衛士

侍講

冊府元龜

門大夫

職比郎

常從

虎賁督

司馬督

冊府云皆太祖置以

令

洗馬

十六人

廐長

舍人

無員更直宿衛

東宮

摘句郎

冊府太祖置第八品員無攷

掌固

按漢稱

主事

候郎

皆

九品員

文學

太祖置員  
品無攷

蜀先主以諸葛亮爲太子太傅

後主傳注引魏略裴松  
之曰按諸書記及諸葛

亮集亮不爲  
太子太傅

有中庶子

霍

庶子

羅

洗馬舍人

董

允

華陽國志延熙元年立太子慎選名宿以爲官僚

後主爲太子從僕射尹默受左氏傳

吳有太子太傅少傅黃龍元年置左輔

諸葛  
恪

右弼

張  
休輔

正

顧

翼正等都尉爲太子四友

孫登傳

晉書

謝沈

又

有太子賓客及率更令

程秉傳

中庶子庶子輔義都尉

赤烏五  
年紀

右部督

呂據

又黃龍元年詔立都講祭酒以教

學諸子

孫登傳曰中庶子官最親密切問近對宜用雋德後  
又以庶子禮拘復令整巾侍坐

晉明帝詔云漢魏以來尊崇儲貳使官屬稱臣朝臣  
咸拜甚無謂也

每月朔太傅入見太子太子正法服而禮焉他日無  
會儀夔遷太僕太子欲與辭宿戒供夔無往意乃與  
書請之夔以國有常制遂不往

何夔傳

唐永淳元年立皇太孫王方慶曰漢魏以來皇太子

在不立太孫

六典注魏置太子文學命司馬懿爲文學掾甚爲世子所信與陳羣吳質朱鑠號爲四友

文帝在東宮太祖曰荀公達人之師表當盡禮敬太子獨拜牀下

三國會要

卷九

三

三國會要卷九終

三國會要卷十

黃巖楊晨纂

職官

中領軍

第三品

掌禁兵主五校尉中壘武衛三營魏武爲

丞相自置領軍後稱中領軍

書鈔引魏略云延康中置晉志云建安十二年改

資重者爲領軍將軍資輕者爲中領軍出征則置行領

軍

中護軍

第四品

主武官選舉隸領軍

始置護軍建安十二年改又有左護軍徐

宣資重者爲護軍將軍資輕者爲中護軍

夏侯淵由征西護軍行護

軍將軍進都護將軍蓋出征督護諸將其制略可攷見



三國會要

卷十

十一

領護各領營兵有長史司馬

第七品

領護皆金章紫綬

通考

中書領軍游擊皆玉佩

御覽

蜀有中領軍領軍前領軍行領軍中護軍前後左右護

軍

免李平文

護軍行護軍

又有中監軍

關興爲侍中中監軍

前監軍

王平

右監軍

姜維

中典軍

上官維胡濟

後典軍

王平

通鑑注曰中監軍卽中護軍

之任蜀置前後中監軍位三軍師之下按當有中前後左右五營王平傳由參軍而典軍而護軍而監軍其秩也序

吳有領軍將軍左右領軍亦置中左右護軍護軍又有

中左右三典軍

左典軍萬或勸立孫皓餘止稱典軍

張休以羽林都督平

三典軍事

武衛將軍

第四品

魏武初置武衛中郎將文帝改

吳有

中壘將軍

第四品

並掌宿衛兵

晉宣帝紀云正始六年曹爽毀中壘中堅營以兵屬

其弟中領軍羲是魏初有中壘也

屯騎步兵越騎長水射聲五校尉

第四品

謂之五營有司

馬功曹主簿

按文欽太和中爲五營校督

蜀同

華陽國志常忌爲長水參軍

吳同

驃騎車騎衛將軍

第二品

魚豢曰魏世驃騎車騎將軍爲

都督儀與四征同若不爲都督雖持節屬四征者與前後左右雜號將軍同其或散還自從文官之例則位次

三國會要

卷十

聯官

二

三司宋志有長史司馬等官開府則置東西閣祭酒掾屬

通鑑注云魏制大將軍不開府者品秩第二祿與特進同晉書孫楚傳初參軍不敬府主楚參石苞驃騎軍事

初至長揖遂制施敬蜀同景曜初復有右驃騎將軍胡濟左右車騎

將軍張翼吳同胡綜傳權爲討虜將軍以爲金曹從事

曹吾粲傳孫河爲將軍得自選長史孫韶傳天璽元年徵楷爲宮下鎮驃騎將軍樓元傳爲宮下鎮禁中候主

殿中事持刀宿衛蓋一時之制

撫軍大將軍第二品黃初五年置晉紀引文帝詔曰吾東

軍當總東事蜀有撫軍將軍蔣琬以丞相吳同

中軍黃初三年置曹眞由上軍同鎮軍六年輔國咸熙

元南中呂興以吳將來降授此諸大將軍第二品皆不常設有官屬

唐六典引魏甲辰令輔國將軍第三品

蜀有鎮軍大將軍宗輔國大將軍董吳亦有之

征東統青兗徐揚征南統荆豫二州或但督荆征西統

涼二州州屯揚州征北統幽冀并三州或督河四將軍魏畧秩二千石並第

屯長安北屯薊州見杜恕傳皆魏武置黃初中位次三公資深者為大將軍通典加大

者始日方面又引詔帶金紫洪曰傳或云三征征北不常置故也

魏畧舊四征征皆有官厨財籍遷轉之際無不因緣田豫賜絹五百匹以其半藏小府滿寵為征東有留府

長史

蜀吳皆有征南征西征北而不見征東

鎮東鎮南鎮西鎮北將軍

第二品

位次四征領兵魚豢曰

黃初太和中置

曹爽傳注時冀州統屬鎮北

征鎮每不並置資深者

爲大將軍

蜀同

或稱大

吳亦有之

安東安南安西安北將軍

第三品

魚豢曰黃初太和中置

蜀有安南

馬忠鎮南中

吳有安東安南

呂岱陸允由交州刺史加

安北

譚正見王基傳

平東平南平西平北將軍

第三品

宋志魏世置

蜀有平

西平北

馬超傳

吳有平南平西

施洪見晉書

平北

前後左右將軍

官品失記

後漢省魏復置

宋志通典

蜀同

免李平公

文以前左右後爲次吳亦有之

諸征鎮安平將軍

第三品通典

魏有征蜀征虜鎮軍鎮護安眾安夷

此二見上尊號碑

安遠

平寇平虜平狄

見橫海將軍呂君碑

平難等號又有輔國虎牙

輕車冠軍渡遼

並見上尊號碑

橫海

呂由平狄遷洪列第五品非

等號皆

置官屬

蜀有征虜鎮軍

趙雲自鎮東貶鎮軍

鎮遠安遠輔國

吳有征虜鎮軍平虜虎牙冠軍

中堅將軍

第四品

官屬有長史司馬正行參軍

並第八品

驍騎游擊將軍

第四品

魏置爲中軍

宋志云有營兵功高者主之

吳有

游擊將軍

見晉書王濬傳

魏官品有北軍中候及丞又有南北軍監攷晉書泰

始三年罷中軍將軍置北軍中候宋志亦云晉武帝

置然張郃傳明帝遣南北軍士三萬及武衛虎賁衛

郃則亦有南北軍

通考云魏制畧如東漢南北軍如故

左軍將軍

第四品

明帝置

魏官品有前軍右軍後軍三將軍晉志云武帝初置前軍右軍

泰始八年置後軍是爲四軍

又有建威建武振威振武奮威奮武揚威宋志揚武廣

威廣武甯朔

見晉琅琊王佑傳李熹傳爲甯北軍司

左右積射強弩等

號四品將軍各有長史司馬正行參軍

並第八品

蜀有

振威奮威揚威揚武吳有建威建武振威奮威奮武  
揚威揚武

諸雜號五品將軍有鷹揚折衝虎烈宣威威遠甯遠伏  
波虎威凌江盪寇昭武昭烈昭德討逆破虜討寇宣德  
威虜捕虜殄吳殄夷揚烈建忠立義懷集橫野樓船復  
土明帝紀注蓋作陵置忠義建節翼衛討夷懷遠綏邊此六官見上尊號碑  
等號有長史司馬第八品



洪表又列雜號將軍云蓋將軍之無名號者按官品云諸雜號宣威將軍以下皆第五品續漢志及通典凡樓船等皆稱雜號洪引張特爲據然魏畧言張特加雜號將軍封列侯雜號不言某官猶列侯不言某侯耳吳顧譚傳言休承並爲雜號將軍緒端偏裨而已疑亦畧之非官名也表又列牙門將軍據通典黃初中置第五品按通典云牙門將冠服與將軍同列傳但稱牙門吳志稱牙門將惟蜀志趙雲魏延稱牙門將軍

蜀有輔漢安漢

班在軍師將軍右

盪寇討逆討寇討虜昭德昭

文秉忠建義奉義忠節建信軍師執愼撫戎綏武翊武

興業副軍翊軍輔軍綏軍牙門

蜀吳將軍品秩無攷姑以類記

吳有輔

吳

班亞三司不常設

安國

朱治加金章紫綬

威遠

晉周訪傳

綏遠盪魏

平魏折衝伏波虎威邊寇昭武輔義扶義橫江綏南撫邊撫夷撫越威南威北威武威烈厲武平戎滅寇

偏將軍裨將軍

洪列第五品

部曲將

咸熙元年詔

蜀吳皆有之

東西南北中郎將

第四品按續志注漢末有四中郎將帥師征伐魏時蔣濟出爲東中郎將

桓範爲東中郎將都督青徐諸軍事曹植爲南中郎將救曹仁張瓌爲西中郎將涼州刺史見張猛龍碑李胤爲西中郎將伐蜀見晉書曹彰爲北中郎將伐烏丸蜀有南中郎參軍楊戲

又有振威建義奉義平虜典軍

晉書

撫軍

同上

武衛司金

太祖置

司律

典樂

護匈奴

太和五年置主護南單于或以并州刺史兼之

率善

以官

降夷等中郎將

官品不載

冠如將軍

白帖引魏晉官品袁紹檄文有發邱中

郎將疑  
非實事

蜀有掌軍奉車軍議軍師翰林副軍篤信武畧昭武綏

南武威

周廣業云昭烈置

中郎將

吳有征虜督軍撫軍輔軍安軍昭武建威蕩寇輔義立

信

見國山碑司直主彈劾天紀元年注

建忠立節昭信義揚武定武

奮武立武建武威武折衝威寇安東征南橫野武鋒討

越司市

校尉魏有戊己

第四品黃初三年西域內附因置治高昌

平虜

牽招將兵督青州徐州郡諸

軍討寇

樂進洪無

建忠

帶方郡見倭人傳洪無

護羌

有長史見曹真碑

護東羌

烏丸護鮮卑

水經注牽招屯昌平

西域西戎

袁紹檄有摸金校尉

千人督

洪云諸傳但稱校尉者卽是

蜀有鹽府

先主定益州置榷鹽鐵見呂又傳王連傳武侯集作司鹽有典曹都尉

儒林典

學昭信

主使

宣信

同上見晉書按巴郡太守樊敏碑建安十年立云以助義都尉行褒義校

尉是劉璋所授官名

吳有司鹽

治海鹽

宣信忠義恭義建義輔義立信

晉書

正議

奮武建武立武武鋒武衛武猛奮威昭義安南平東滅

賊破賊威越定威折衝先登盪寇承烈督軍護軍贊軍

副軍參軍立節

吳騫云周處碑父魴立節校尉本傳作昭義天發神讖碑有西部校尉

都尉魏有撫軍

本校事官太祖置嘉平中改主刺舉

司金

韓暨由監冶錫者加曹真碑有

丞

積弩

後改典弩

典鎧

魏畧云屬積弩以上官品無

將兵陷陣忠義司懸

司竹

河內洪園並有監丞

蜀有綏戎

免李平文

五部都尉

華陽國志領夷兵

吳

有奉正仁義

晉書

立信輔義立義建忠立忠

見谷助碑

興業安

民奉禁揚武建武衛平北破賊承烈樓下

典糴醮事

監軍

第四品無定員

諸州時或不置都督則置此官

諸傳言監某州軍事

將軍領兵出征者皆置監軍

持節假節或稱行監軍

蜀同或爲

加官吳亦畧同與領兵督並置又有刺姦

周劭傳屯鴨虛損唯有刺

姦

察戰

裴注官名沈濤曰當是人姓名姓苑有察姓

安夷護軍治美陽撫夷護軍治雲陽皆典降氏

並第五品元和

郡縣志有司馬一人

復有和戎

令狐愚爲和戎護軍烏丸校尉田豫小違節度愚以法繩之

殄

虜

見鄧艾傳

雜號護軍如將軍

郭淮行征羌護軍夏侯霸討蜀護軍

諸要鎮及將軍領兵出征者皆置護軍

第六品無定員

蜀同

大都督

第一品不常置

魏加官假黃鉞則專戮節將

司馬懿師昭

吳

亦有之

陸遜注云主上執鞭百僚屈膝

蜀無此號有中都護統內外軍

事

李嚴

復置行都護一人

蔣琬諸葛瞻

有參軍督軍吳有左右

都護

丁奉諸葛瑾

持節都督

第四品

太祖爲丞相時有督軍後有都督

曹仁都督

七軍夏侯淳都督二十六軍

黃初三年始置都督諸州軍事領刺史

使持節爲上

上尊號奏有使持節行都督督軍

持節次之假節爲下

使持

節得殺二千石以下持節得殺無官位人有軍事則與使持節同假節唯有軍事得殺犯軍令者

又有

都督中外

曹真曹爽及懿師昭

都督中軍宿衛禁兵

許

都督徼道

虎賁

許定都督水軍

陳羣

其在外者多以征鎮安平將軍及

中郎將

都督揚州一人甘露二年分置二都督又有都督淮北一人都督青徐一人或分置皆屬征東

都督荆豫一人後分置又分荆州爲二都督又有都督江北都督江南皆屬征南都督雍涼一人後分雍州爲

二都督關中隴右各一人皆屬征西都督河北一人兼冀幽并三州軍事屬征北其曹仁都督荆揚益州王基

都督揚豫有護軍

第五品南中都督護軍霍弋見咸熙元年

蜀有督中外軍

事美維邊郡皆置都督領兵屯守

有漢中都督關中都督永安都督江州都督一

名巴東都督庾隆都督及副貳又張飛傳有營都督鄧芝傳有郫關督

吳於潁江及要地

皆置都督權輕者但稱督

有京下督都下督西陵督公安督巴邱督信陵督夷道督

蒲圻督武昌督武昌左右部督夏口督江陵督沔中督樂鄉督中夏督柴桑督半州督吉陽督徐陵督濡須督

蕪湖督牛渚督扶州督皖口督吳郡督虎林督左督二郡督廣州都督交州都督又備海督見何姬傳注其

領營兵者亦稱督

有無難督右部督解煩督又左右部督繞帳督五校督馬閑右部督水軍

督又有中軍督前部督右部督左右督外都督五營督營下督升城督蜀有無當監吳有親近監魏有騎督騎

副督部曲督帳下督新附督

雜錄



徐宣傳車駕幸許昌總統留事帝還主者奏呈文書  
詔曰吾省與僕射何異竟不視

吳甘露元年徙都武昌御史大夫丁固右將軍諸葛  
靚留鎮建業 寶鼎元年還都建業衛將軍滕牧留

鎮武昌滕胤傳爲都下督掌統留事

時諸葛恪出征

江表傳呂範曰聞綱紀猶不整願暫領都督佐將軍  
部分之策曰豈宜復屈小職知軍中細碎事乎範出  
便釋講著袴褶執鞭詣閤啟事策乃授傳委以眾事  
袁準曰今軍政之法斬一牙門將者封侯

羣書治要  
袁子正書

華陽國志常勛爲督軍治訟平當選孝廉

張翼傳爲庾降都督被徵當還羣下以爲宜馳騎卽  
罪曰不然吾以蠻夷蠢動不稱職故耳然代人未至  
方臨戰場當運糧積穀爲滅賊資豈以黜退而廢公  
家之務乎於是統攝不懈代到乃發

魏畧桓範爲使持節都督青徐諸軍事與徐州刺史  
鄭歧爭屋引節欲斬歧

廖立傳陛下卽位普增職號立隨比卽例爲將軍面語

臣曰我何宜在諸將軍不表我爲卿止當在五校臣

荅將軍者隨大比耳至於卿者正方亦未爲卿也且

宜處五校

司隸校尉

第三品

掌察舉百官及京師近郡犯法者并領

司州

漢獻帝以司隸校尉所掌置司州先治宏農後治洛陽通典魏制其於端門外在諸卿上絕席其入

殿按本秩在諸卿下不絕席

有參軍都官從事功曹從事諸曹從事

部郡從事武猛從事督軍從事主簿錄事門下書佐省事記室書佐諸曹書佐等員

蜀司隸如漢制督察京輦不典益州事 吳無

州置刺史

六百石第五品稱單車刺史

或置牧

二千石

魏十三州刺史

巡行所部郡國錄囚徒考殿最每歲遣計吏詣京都奏

事緣邊諸州刺史與領兵都督並置其充豫青并諸州

或但置刺史其梁益諸州不入版圖者亦置刺史遙領

之

州郡領兵司馬郎議南齊書志云州牧督軍起于魏武

有治中從事別駕從事

功曹從事簿曹從事兵曹從事郡國從事文學從事武

猛從事主簿門亭長諸曹書佐計吏

按尚有督郵醫曹帳下都督冊府云

吏一百人 大中正一人

蜀於益州或置牧

諸葛以丞相領

或置刺史又設康降都督建

興七年與吳約分天下充冀并涼屬蜀故置刺史遙領

之李恢前領交州時以地屬吳解刺史荆雍二州亦時置刺史吳懿領二州其

益州吏職有治中從事別駕從事功曹從事議曹從事

勸學從事典學從事部郡從事督軍從事從事中郎從事祭酒或但

稱從事行部按問前後左右部司馬主簿書佐

吳得揚荆交廣四州或置牧或置刺史黃龍元年與蜀

約分天下豫青徐幽屬吳亦置刺史遙領之時領兖州牧朱然領

冀州牧步騭以地屬蜀解牧職乃孫皓即位以陸抗爲益州牧亦未能如約也其州職可攷者

有部郡從事師友從事餘無攷亦置大中正洪據襄陽記作大公平今

之州都按谷朗碑由郡中正遷大中正則公平州都皆非本名可知

河南尹

第三品

主京都有丞及廩犧令丞

主供祭祀

洛陽市長

及丞吏七百人有五官掾功曹史

郡置太守

第五品魏制太守領兵加將軍名號

有丞

第八品

邊郡丞爲長史

中正一人都尉一人

第五品主兵

大郡或二人

分東西部或南北部

司

馬一人

第八品

徐州置淮海津都尉

晉志淮津都尉在安豐有部民

敦煌

置宜禾伊吾都尉

並第八品曹真碑有玉門候疑關都尉之屬

又有功曹掾

五官掾上計掾門下掾文學掾文學祭酒

鄧艾爲都尉學士督

郵主簿主記門下書佐綱紀循行幹鈴下伍伯多者二

百餘人

諸曹掾史京兆尹太守都尉略同

帶方有塞曹掾泰山有督軍

蜀置太守都尉犍爲有屬國都尉牂柯置五部都尉

華陽

國志陰平置關都尉巴東置江關都尉

初學記

其郡吏可攷

者有功曹掾史五官掾師友祭酒督軍從事門下書佐

主簿

吳亦置太守都尉

或分部

有功曹掾門下書佐門下循行

縣大者置令千石

第六品丞一人四百石第八品尉二人二百石第九品

其次六

百石

第七品丞尉各一人第九品

小者置長三百石

第八品其丞尉同次鄉置

有秩三老百石

第八品

小者置有秩嗇夫亦百石

第九品十三州

志得假半章印諸曹掾史略如郡制有校官掾師友祭酒決疑

祭酒

袁渙傳注

鄴有市長農司馬

晉書石苞傳

或有鐵官

蜀有工官堰

官柑官橘官

王國各置相

第五品其職如郡守

都尉

洪有按通典無

傅保友

並第六品

長史

見曹真碑

郎中令中尉大農

並第七品

常侍侍郎

無員

家令諸雜署

令

並第八品

謁者大夫諸雜署丞

第九品

王太妃有家令

第八品

品僕丞

並第九品

公國如王國其山陽公國置督軍一人

晉泰始二年始罷除其禁令

侯國置相

三百石第八品職如縣令

家令家丞傅監國謁者庶子文



學品秩  
未詳

雜錄

建安二十年始置名號侯至五大夫與舊列侯關內侯  
凡六等以賞軍功

黃初三年初制封王之庶子爲鄉公嗣王庶子爲鄉侯  
公之庶子爲亭伯其後定制凡國王公侯伯子男六等  
次縣侯鄉侯亭侯關內侯凡九等又置名號侯爵十八  
級關中侯爵十七級皆金印紫綬關外侯爵十六級銅  
印龜紐墨綬五大夫十五級銅印環紐墨綬自關內侯

皆不食租虛封爵自此始

通典

玉海引理道要訣言魏十等封以鄉侯爲第八通典  
言九等者除王不數也其名號侯等魏武所制而曰  
又置亦誤日知錄云都鄉侯在列侯下關內侯上按  
都鄉侯都亭侯仍卽鄉侯亭侯故九等爵無此二名  
又云都亭者城內亭也都鄉卽今之坊廂亦非都鄉  
言鄉當是附城近地如集古錄載宗愨母墓誌云窆  
于秣陵縣都鄉石泉里必非城內可知梁冀得罪徙  
封比景都鄉侯是日南比景縣之都鄉諸傳不言縣  
名者略也俞正燮言有列侯在關內侯上尤誤蓋時  
制以亭侯以上九等爲列侯史凡言封列侯者文略  
或失其地也關內侯亦或有食邑  
如夏侯惇曹真王基等傳是也

魏志咸熙元年相國晉王奏建五等諸公地方七十五  
里邑一千八百戶置相一人典祠典書典衛典禮各一

人妾六人車前司馬十人旅賁四十人諸侯地方七十里邑千六百戶官屬同公妾五人司馬八人旅賁三十六人諸伯地方六十里邑千二百戶妾四人司馬八人旅賁二十八人諸子地方五十里邑八百戶相一人典祠令典書丞典衛丞各一人妾三人司馬四人旅賁二十人諸男地方三十五里邑四百戶相一人典祠長典書丞各一人妾二人司馬二人旅賁十二人次國男地方二十里邑二百戶

唐六典曰魏氏五等皆以鄉亭多假空名不食本邑

魏略賈洪爲白馬王相王彪雅好文學常師宗之過於

三卿

陳羣王國相不應爲國王服議云近防輔小吏尙不稱

臣與王於天子同臣也

通典

魏晉刺史任重者爲使持節都督輕者爲持節皆銅印  
墨綬進賢兩梁冠絳朝服領兵者武冠庶姓爲州而無  
將軍者謂之單車刺史加督則進一品都督進二品不

論持節假節

通典

牽招傳護烏丸校尉田豫出塞爲軻比能所圍於故馬

邑城移招求救招整勒兵馬欲赴救豫并州以常憲禁  
招招以爲節將見圍不可拘于吏議自表輒行

招時爲雁門太

守豫蓋持節

滿寵傳孫布詐降揚州刺史王凌請兵迎之滿奮不與

時爲征東將軍被書入朝敕留府長史勿與兵凌索不得乃遣

一督將七百人往迎之

此可見方鎮統州主兵之制

賈逵傳時天下初復州郡多不攝逵曰州本以御史出  
監諸郡以六條詔書察長吏二千石以下今長吏慢法  
盜賊公行州知而不糾天下復何取正乎其二千石以

下不如法者皆奏免之

陳壽評曰自漢季以來刺史總統諸郡賦政于外非若曩時司

察之而已

李通傳通妻伯父犯法朗陵長趙儼收治致之大辟是時殺生之柄決於牧守

杜恕傳以爲刺史奉宣六條可勿使領兵以專民事上疏曰州郡牧守忽恤民之術脩將率之事農桑之民競干戈之業不可謂務本今荆揚青徐幽并雍涼緣邊諸州皆有兵矣所恃內充府庫外制四夷者惟充豫司冀而已臣前以州郡典兵則專心軍功不勤民事宜別置

將守以盡治理之務

劉毅辟司隸都官從事京邑肅然毅將彈河南尹司隸

不許投傳而去

晉書

魏略張時故任京兆杜畿迎司隸與時會華陰

時畿爲河東太

守時畿相見於儀當各持版時歎曰昨日功曹今爲郡

將軍也

又京兆虎牙都尉入門不持版爲功曹所呵

魏略宏農郡領吏二百餘人涉春遣休常四分遣一

孟康出案行豫敕督郵平水不得令屬官遣人探候修

設曲敬不止亭傳露宿樹下所從常不過十餘人郡帶

道路諸過賓客自非公法無所出給

李憲爲并州別駕驍騎將軍秦朗過州州將畢軌敬焉  
令乘車至閣

高堂隆傳泰山太守薛悌命爲督郵郡督軍與悌爭論  
名悌而呵之隆按劍叱督軍曰臨臣名君義之所討督  
軍失色悌驚起止之

賈逵傳後發兵逵疑屯田都尉藏亾民都尉自以不屬

郡言語不順逵怒收之

注作典  
農校尉

王觀傳爲涿郡太守明帝詔使郡縣條爲劇中平若郡



爲外劇有任子遂送任子詣鄴

孫禮傳清河平原爭界禮曰當以烈祖初封平原時圖決之

劉廙別傳以爲長吏皆宜使少久足使自展歲課之能三年總計乃加黜陟課之皆當以事不得依名事者皆以戶口率其墾田之多少及盜賊發興民之凶叛者爲得負之計如此行之則無能之吏修名無益

魏書穀熟長呂岐善朱淵袁津遣使行學還召用之署淵師友祭酒津決疑祭酒淵等歸家不受署岐大怒皆

杖殺之袁渙

梁相

教勿劾

魏略詔徵河東太守王邑邑不願徵郡掾衛固及中郎

范先等各詣繇求

鍾繇時爲司隸校尉

而詔已拜畿爲太守已入

界繇促邑交符邑佩印綬徑詣許自歸

晉書宣帝紀申儀久在魏興

太守

專威疆場輒承制刻印

多所假授

荀勗傳太和中遣王人四出滅天下吏員正始中并合

郡縣

王隱晉書王裒門人爲縣所役步擔乾飯安邱令以爲

三國會要 卷一  
見已出迎于門裒乃下道至土牛磬折而立云門生爲  
縣所役故來送別令卽放遣諸生

魏略楊沛身退之後占河南夕陽亭部荒田二頃起瓜  
牛廬居止其中

張旣世單家富念無以自達爲郡門小吏常畜好刀筆  
及版奏伺諸大吏乏輒與

賈逵傳豫州吏民思之刻石立祠青龍中帝東征乘輦  
入祠詔曰昨見賈逵碑像念之愴然布告天下以勸將

來

魏略甘露二年東征  
復入逵祠下詔修治

華陽國志時州將董軍政置從事職典刑獄

吳錄苞咸爲主簿太守行春留咸守郡

會稽典錄魏朗從太守行春由

書佐轉功曹又正旦掾史上朝功曹史顧翕披裘以加朝服副以裘非臣服不敬敕卒撤去王粲務本論曰末世之吏負青幡而布春有勸農之名無賞罰之實

孟仁爲鹽池司馬作鮓寄母遷吳令時皆不得將家之

官每得時物來以寄母

按仁先爲軍吏將母在營此又一時之制

朱治傳公族子弟及吳四姓多出仕郡郡吏常干數治

率數年一遺詣王府所遺數百人每歲時獻御權報答

過厚

步騭傳諸縣並有備吏吏多民煩俗以之傲

凌統傳過本縣步入寺門見長吏懷三版恭敬盡禮魏名

臣奏云今吏初除有三通爵里刺條疏行狀

陸凱傳先帝時居官者咸久于其位然後考校黜陟今州郡職司或涖政無幾便徵召遷轉迎新送舊紛紜道路傷財害民

周瑜傳拜偏將軍領南郡太守以下雋漢昌劉陽州陵

爲奉邑

按吳志將軍中郎將校尉太守等每有奉邑而周泰補春穀長宜春長所在皆食其征賦似異

數也

魏封爵

張燕河北賊以助軍拜平北將軍封安國亭侯邑五百戶卒子方嗣卒子融嗣

公孫康父度漢末據遼東康以斬袁尙功封襄平侯子淵嗣明帝時進封樂浪公景初元年拒命司馬懿誅之

張繡濟族子屯宛歸降封宣威侯以軍功增邑至二千

戶卒子泉嗣坐反誅國除繡傳言時戶口減耗十裁一在諸將封未有滿千戶者而

繡特多也

張魯據漢中降封閬中侯邑萬戶又封其五子皆列侯

卒子富嗣

閻圃隨魯降封列侯

魏略曰黃初中增圃爵邑在禮請中

夏侯惇封高鄉侯增邑至二千五百戶卒諡忠侯子充

嗣卒子廙嗣惇弟廉子楙自封列侯

文帝分惇邑千戶賜惇七子二孫爵

皆關內侯

韓浩中護軍封侯卒無子以養子榮嗣

史渙中領軍以忠勇掌禁兵封列侯卒子靜嗣

夏侯淵封博昌亭侯增邑至八百戶戰死漢中諡愍侯

子衡嗣卒子續嗣卒子襄嗣

夏侯尚封昌陵鄉侯卒諡悼侯子玄嗣爲司馬師所殺

文帝分尚戶三百賜尚弟子奉爵關內侯  
正元中紹封從孫本爲昌陵侯邑三百戶

荀彧封萬歲亭侯增邑至二千戶卒諡敬侯子惲嗣卒

子彪嗣進廣揚鄉侯卒子頽嗣

彧兄行封列侯

荀攸封陵樹亭侯增邑至七百戶卒追諡敬侯子適嗣

無子絕黃初中紹封攸孫彪邑三百戶

轉封邱陽亭侯

賈詡封魏壽鄉侯增邑至八百戶卒諡肅侯子穆嗣分

邑二百封詡小子訪列侯穆卒子模嗣

何夔封成陽亭侯邑三百戶卒諡靖侯子曾嗣

鍾繇封定陵侯增邑至千八百戶諡成侯子毓嗣文帝



三國會要 卷一  
分毓戶封繇弟演及子劭孫豫爲列侯

華歆封博平侯邑千三百戶卒諡敬侯子表嗣文帝分歆戶封弟緝爲列侯

王朗封蘭陵侯邑千二百戶卒諡成侯子肅嗣文帝分朗邑封兄子詳爲列侯

程昱封安鄉侯邑八百戶卒諡肅侯子武嗣

郭嘉封洧陽亭侯增邑至千戶諡貞侯子奕嗣

董昭封樂平侯邑千戶諡定侯子胄嗣

劉曄封東亭侯邑三百戶諡景侯子寓嗣

蔣濟封昌陵亭侯謚景子秀嗣

劉放封方城侯邑千一百戶謚敬子正嗣

孫資封中都侯邑千戶謚貞子宏嗣

劉靖封廣陵亭侯邑三百戶謚景子熙嗣

司馬遺以父朗有功封昌武亭侯邑百戶

梁習封申門亭侯邑百戶子施嗣

張既封西鄉侯邑四百戶謚肅子緝嗣爲司馬師所殺

賈逵封陽里亭侯邑四百戶謚肅子充嗣

任峻封都亭侯邑三百戶謚成子先嗣

蘇則封都亭侯謚剛子怡嗣卒弟愉嗣

杜畿封豐樂亭侯邑百戶謚戴子恕嗣

張遼封晉陽侯增邑至二千六百戶謚剛子虎嗣

樂進封廣昌亭侯增至千二百戶謚威子琳嗣

于禁封益壽亭侯增邑至千二百戶謚厲子圭嗣

張郃封鄭侯增邑四千三百戶謚壯子雄嗣明帝分封

郃四子列侯

徐晃封陽平侯增邑三千一百戶謚壯子蓋嗣明帝分

封晃子孫二人列侯

李典封都亭侯邑三百戶謚愍子禎嗣

李通封都亭侯邑四百戶謚剛子基嗣

臧霸封都亭侯進良城侯增邑至三千五百戶謚威子

艾嗣 又分封三子列侯

文聘封新野侯增邑至千九百戶謚壯子休嗣

呂虔封益壽亭侯增至六百戶徙封萬年亭侯子翻嗣

許褚以功進封牟鄉侯邑七百戶謚壯子儀嗣

吳質封列侯謚醜

正元中改謚威

龐德封關門亭侯戰死謚壯封其二子爲列侯

衛覬封陽吉亭侯增邑至三百戶謚敬子瓘嗣

傅嘏封陽鄉侯增邑至千二百戶謚元子祗嗣

桓階封安樂鄉侯邑六百戶謚貞子嘉嗣

陳羣封昌武亭侯進潁陰侯增邑至千三百戶謚靖子  
泰嗣以功增邑二千六百戶謚穆子恂嗣

陳矯封東鄉侯邑六百戶謚貞子本嗣

徐宣封津陽亭侯邑二百戶謚貞子欽嗣

衛臻封安國侯進長垣侯邑千戶謚敬子烈嗣

盧毓封高樂亭侯後封容城侯邑二千三百戶謚成孫

藩嗣

和洽封西陵鄉侯邑二百戶諡簡子禽

注音離  
當作禽嗣

常林封高陽鄉侯卒諡貞子時嗣

杜襲封平陽鄉侯累封至五百五十戶諡定子會嗣

趙儼封都鄉侯邑六百戶諡穆子亭嗣

裴潛封清陽亭侯邑二百戶諡貞子秀嗣

韓暨封南鄉侯食邑二百戶諡恭子肇嗣

崔林以司空封安陽亭侯六百戶

三公封侯  
自林始

進封鄉侯

諡孝子述嗣

高柔封延壽亭侯進安國侯增至四千戶謚元孫渾嗣  
孫禮以司空封大利亭侯邑百戶謚景孫元嗣

王觀封陽鄉侯增邑至二千五百戶謚肅子悝嗣

辛毗封潁鄉侯邑三百戶謚肅子敞嗣

滿寵封安昌亭侯進昌邑侯累增邑凡九千六百戶謚  
景子偉嗣

田豫封長樂亭侯邑至五百戶子彭祖嗣

郭淮封射陽亭侯進陽曲侯邑二千七百八十戶分三百戶

封一子亭侯 謚貞子統嗣

徐邈封都亭侯邑三百戶謚穆子武嗣

胡質追封陽陵亭侯邑百戶謚貞子威嗣

王昶封京陵侯增邑至四千七百戶謚穆子渾嗣

王基封東武侯增邑至五千七百戶謚景子徽嗣早卒

咸熙中改封基孫虞而以東武餘邑賜一子爵關內侯

碑文稱東武侯今存 又基以叔父拊育上疏  
求分戶二百賜叔父子喬爵關內侯詔特聽

母邱興封高陽鄉侯子儉嗣自以功進封安邑侯三千  
九百戶以討司馬師兵敗死

王淩封南鄉侯邑千三百五十戶以謀立楚王彪爲司



馬懿所殺

諸葛誕封高平侯邑三千五百戶爲司馬昭所殺

鄧艾封城鄉侯增邑至六千六百戶以平蜀功增邑二萬戶二子亭侯邑各千戶爲鍾會所殺

鍾會封東武亭侯三百戶以平蜀功進縣侯增邑萬戶封二子亭侯邑各千戶以反誅

郭修追封樂鄉侯邑千戶諡威

龐會臨渭亭侯進封鄉侯

路蕃封亭侯

夏侯和買輔進爵鄉侯

呂名缺橫海將軍封西鄂都鄉侯食邑七百戶隸釋

楊秋黃初中封臨涇侯魏略

王瑔以獲高幹功封侯典論

朱靈封高唐侯謚威徐晃傳注魏書

孫觀封呂都亭侯臧霸傳注

王象封列侯楊俊傳注

文欽封山桑侯母邱儉傳注

龐林封列侯龐統傳

申儀封真鄉侯

劉封傳

黃權封育陽侯諡景子邕嗣

邢貞封高平侯

孫權傳

全懌封臨湘侯

全琮傳

凡侯食邑不滿萬戶不得作第其舍在里中不稱宅

御覽

引魏王奏事又文選古詩注引云出不由里門面大道者名曰第

列侯門施外內塾方三十畝

御覽引魏武制奏事

巖險之邑不以

封北堂書鈔引相國晉王奏

蜀封爵

關羽封漢壽亭侯諡壯繆

改諡忠義

子興嗣卒子統嗣卒無

子以興庶子彝紹封

張飛封西鄉侯追諡桓子紹嗣

馬超封鬘鄉侯追諡威子承嗣從弟岱封陳倉侯

申耽建安間封員鄉侯後降魏

劉豹建安間封陽泉侯

向舉建安間封青衣侯

以上二人見勸進議

諸葛亮建興元年封武鄉侯卒諡忠武子瞻嗣

李嚴

改名平

封都鄉侯後坐罪廢

趙雲封永昌亭侯追謚順平子統嗣

魏延封南鄭侯後以反誅

劉琰封都鄉侯後以罪誅

王連封平陽亭侯卒子山嗣

向寵封都亭侯後爲夷所害

費觀封都亭侯

李恢封漢興亭侯卒子遺嗣

呂凱封陽遷亭侯爲夷所害子祥嗣

王伉陳到並封亭侯

史失地名

許允封漢成亭侯卒子國嗣

李福封陽平亭侯卒子驥嗣

蔣琬封安陽亭侯卒諡恭子斌嗣

鄧芝封陽武亭侯卒子良嗣

高翔封元鄉侯卒子軌嗣

輔匡封中鄉侯

陳震封城陽亭侯卒子濟嗣

吳壹封濟陽侯卒子某嗣卒孫喬嗣

吳班封縣竹侯

馬岱封陳倉侯

袁綝封都亭侯

胡濟封咸陽亭侯

殿本作咸陽

王平封安漢侯卒子訓嗣

馬忠封彭鄉侯後卒子修嗣

向朗封顯明亭侯卒子條嗣

句扶封宕渠侯卒子安嗣降魏

劉敏封雲亭侯

費禕封成鄉侯為魏降人所害謚敬子承嗣

張翼封都亭侯

董厥封南鄉侯

廖化封中鄉侯

姜維封平襄侯

張瑛以父疑死事封西鄉侯

吳封爵

士燮守交阯封龍編侯卒弟壹封都鄉侯後坐法誅

張昭封婁侯邑萬戶卒諡文子承別封以少子休嗣後  
賜死昭弟子奮封樂鄉亭侯 承封都鄉侯卒諡定子



震嗣以諸葛恪外甥并誅

顧雍封醴陵侯卒謚肅子濟嗣無後以雍次子裕襲爵  
諸葛瑾封宛陵侯卒子恪別封陽都侯以弟融襲爵後  
坐恪誅

步騭封臨湘侯卒子協嗣卒子璣嗣協弟闡封西亭侯  
後叛降魏被誅

周瑜子胤都鄉侯以罪廢

魯肅子淑封亭侯卒子睦嗣

呂蒙封孱陵侯卒子霸嗣卒以兄琮襲爵卒弟睦嗣

程普子咨封亭侯

韓當封石城侯卒子綜嗣後奔魏

蔣欽子壹封宣城侯無後

周泰封陵陽侯卒子邵嗣卒弟承襲爵

陳武子修封都亭侯庶子表襲爵進都鄉侯修子永將  
軍封侯

凌統子烈封亭侯有罪免弟封襲爵

徐盛封蕪湖侯卒子楷嗣

潘璋封溧陽侯

丁奉封安豐侯

朱治封鄣侯卒子才嗣卒子琬嗣

朱然本施氏治乞爲子封當陽侯卒子績嗣復姓施氏  
呂範封南昌侯卒子據嗣爲孫綝所殺

朱桓封嘉興侯卒子異嗣爲綝所殺

駱統封新陽亭侯

朱據封雲陽侯後賜死永安中以孫宣嗣

賀齊封山陰侯

陸遜封江陵侯卒追諡昭子抗嗣卒子晏嗣次子景毘

陵侯

全綜封錢塘侯又封一子亭侯卒子懌嗣後降魏

小子吳封

都鄉侯

呂岱封番禺侯卒子凱嗣

鍾離牧封都鄉侯卒子禕嗣

潘濬封劉陽侯卒子翥嗣

陸凱封嘉興侯卒子禕嗣

陸胤封都亭侯卒子式嗣

是儀封都鄉侯

胡綜封鄉侯卒子沖嗣

滕胤封高密侯爲孫綝所殺

濮陽興封外黃侯後誅

韋曜封高陵亭侯孫皓時被誅

華覈封徐陵亭侯

谷利封都亭侯

江表傳

沈珩封永安鄉侯

吳書

孫邵

北海人爲丞相

封陽羨侯

吳錄

張布封永康侯

董朝封鄉侯

見孫休詔  
史失地名

張惇封都亭侯

紀孚封都亭侯

何定孫皓時賜爵列侯後誅

江表  
傳

張俶封侯後伏誅

同上

蔡欵封留侯

吳錄

虞汜封餘姚侯

會稽  
典錄

屈緒以父晃忠諫封東陽亭侯

吳麻

馬茂由魏歸吳封侯謀叛誅